

鋪設懸筵隨宜區處須是務在嚴肅每排
 懸位一班訖各空却數位方排去不可與
 次班懸位相連蓋真仙品秩既非俗見可
 定高下分為三界各從其類請降庶幾不
 致混雜建懸之家力不辦三百六十位者
 或二百四十或一百八十以下則不可蓋
 聖位舍不去
 却將三界聖位合併揀數不可使有遺漏
 也懸名謝恩蓋謂建齋已畢設懸時賞宜
 通召命監臨翊衛之真靈耳法錄真仙懸
 位比舊儀深入甚多蓋大於此其詳已見
 無說今世反之是不明杜廣成之意也若
 欲削去繁文務合古法却在貫通三洞之
 士審酌行之

靜默堂師位

簡寂先生陸真人 詳前辭
 清都先生張真人 詳前福
 廣成先生杜真人 詳前庚
 右三位隨宜設之

无上黃籙大齋立成儀卷之三十八

无上黃籙大齋立成儀卷之三十九 白元

圖式門

告盟寶幡

以黃大絹造幡一首長四十九尺幡頂墨書
 臣謹謹上奏五字幡身書
 太上无極大道至真无上三十六部尊經真
 文寶符太上三尊十方眾聖玄中大法師三
 界官屬一切威靈伏望恩光鑒臨齋事四十
 九字幡兩手足分書上清三洞弟子某位臣
 姓某今據鄉貫入高志至
 福林見存臣據詞難抑謹集
 法錄道士一壇依
 下元黃籙簡文靈仙品格建立靈壇擇日崇
 修

无上黃籙大齋三日三夜九時行道預依以
 第宣演真科拜奏章書頒行符命選拔罪莖
 開教幽沉然燈續明請光破獄普施無碍解
 食攝召預薦亡魂沐浴更衣朝真聽法傳符
 授戒鍊度超生滿散拜表言功投龍進簡紙

設

清懸三伯六十分位上謝
 洪恩所集善功總資升濟仰祈恩霽普濟存
 亡謹露齋誠遍神奏告

幡式如左



遷神寶幡

以大黃緞造幡一首長四十九尺幡頂墨書
 遷神寶幡四字幡身書


東極宮中大慈仁者發弘誓願普救眾生尋
 聲赴感應念垂慈太一救苦天尊 空數字
 上帝垂文寶幡遷神亡靈受度仙化成人兩
 手足分書東方玉寶皇上天尊南方玄真萬
 福天尊西方太妙至極天尊北方玄上玉晨
 天尊東方度仙上聖天尊東南方好生度
 命天尊西南方太靈虛皇天尊西北方無量

太華天尊上方玉虛明皇天尊下方真靈洞
 神天尊大慈大悲救苦真人大慈大悲拔罪
 真人大慈大悲拔度真人左足書破鄧都咒
 右足書甘露神咒



太乙寶幡

以黃絹造長幡四丈九尺幡身書九龍符兩
 手足分書太乙寶誥符見符命門不能書大
 九龍符止書小九龍符亦可



九

三

命靈幡
 以黃絹造幡長一丈二尺或二丈四尺正身
 墨書朱陵度命天尊 空三字 太微迴黃旗無
 英命靈幡攝召長夜府開度受生魂兩脚分
 書超度亡過某乙神識往生天界




超度寶幡

以黃絹造幡長一丈二尺或二丈四尺身書
 超度化升天尊 空三字 太上垂慈祥光下覆
 九幽停刑眾魂俱度兩脚分書追薦亡過某
 乙神識往生天界



回耀靈幡
 以絳絹造幡長九尺幡首捺金泥書中斗之
 形幡身用墨大篆回耀靈幡四字 空三字 書
 轉輪聖王天尊左手彩畫日形書太陽勢儀
 帝君六字右手彩畫月形書太陰結璘星君
 六字兩足分書回耀頌 回耀紫微宮曲映
 九幽戶我我丘寒池回照廓冰浦炎炎烈火
 獄霈然泗法兩拔度長夜魂上登朱陵府
 如單柄寒士則以紙造


如單柄寒士則以紙造



九獄燈幡

用青紙造幡九首各長九尺九寸頂書破獄
 救苦真符 見符命門幡身書本方救苦天尊號兩
 手分書符咒誥文兩足分書上清寶籙真符
 告下某方某獄每獄用黃泥墩子一箇以青
 竹植幡一首復用黃紙造幡九首篆九天生

神符見符破獄時焚青幡訖却換黃幡標之



東方風雷地獄

幡身書玉寶皇上天尊 告文

九炁青華光耀風雷玉寶慈尊摧毀戈戟扶
晨通照魂升太微神識受鍊享福無期一如
告命風火驛傳

南方火翳地獄

幡身書玄真萬福天尊 告文

三炁丹華光徹火翳萬福慈尊燭消火池化
成青團甘涼莹肌苦魂承恩逍遙無為一如
告命風火驛傳

西方金剛地獄

幡身書太妙至極天尊 告文

七炁素華照徹金剛太妙慈尊摧鋒滅七刀
化齋林劍變栢桑魂魄受度與日同光一如
告命風火驛傳

北方溟冷地獄

幡身書玄上玉晨天尊 告文

五炁蒼華光徹溟冷玉晨慈尊冰消雪城溫
生寒廓毒汗澄清魂獲妙果飛升香林一如
告命風火驛傳

東北方鑊湯地獄

幡身書度仙上聖天尊 告文

梵炁晨華徹照鑊湯度仙上聖威感無方沸
湧澄息化甘泉漿亡爽生神還升天堂一如
告命風火驛傳

東南方銅柱地獄

幡身書好生度命天尊 告文

生炁之華下照東南銅柱摧落炎焰息閑好
生度命普濟無間苦魂解脫升度玉壇一如
告命風火驛傳

西南方屠割地獄

幡身書太靈虛皇天尊 告文

黃華月輝透降坤維鐵城摧毀屠割停威虛
皇慈尊保度浮黎罪魂登甦劫刃携持一如
告命風火驛傳

西北方火車地獄

幡身書無量太華天尊 告文

天光景色祥華敷光無量慈尊除釋鋒銑火
車摧毀塗炭消亡焦骨爛皮再生清涼一如
告命風火驛傳

中央普掠地獄

幡身書真皇洞神天尊 告文


三晨玄景洞照普掠真皇慈尊除落考掠金
鏈鐵杖應時消變百苦停酸魂獲快樂一如
告命風火驛傳

召攝攝


白絹七尺二寸中分為二作夾幡二首各長
三尺六寸以新竹為竿長五尺五寸繫幡於
竿稍面朱書太乙返真攝魂符兩足分書攝
召亡故某乙在會係薦一切亡魂三魂俱赴
七魄俱來急速奉行背書大魁總監召靈符
下兩足分書台光延生爽靈益祿幽精絕死
尸狗伏矢雀陰吞賊非毒除穢臭肺左手書
雄左大力追鬼統制百節三魂符吏眾機玉
曹玄伯何魁右手書雌右武鸞提魂攝魄倒

生玄司飛符五札主吏喬魁如是普召播下
書云攝召六道四生孤魂滯魄十方九幽一
切罪魂

正面




背面




正面

召幽魂幡



背面



五方幡各以本方繪為之長五尺



幡正面書五方衛靈符背面書五帝鎮壇符



三十二天幡

東青幡八南綠幡八西白幡八北皂幡八各
長三尺二寸或二尺四寸或依度人經法以
黃綠青赤蒼黑碧紫白九色相間為之亦可
大黃皇曾天用黃太明玉完天用綠以次相
間終於黃奕天用蒼面書天名背書三十二
天符符出靈寶大劫經諸靈寶齋壇席能以
此拘定四方依儀行事即是壇場不可闕也
三十二天符又見洞真上宮太真科元洞九
天生神寶命齋儀各不同

九獄燈圖



玄師曰法天象地方圓為式九幽陰曹主罪
憲職羅鄴東南是其所也按太一聖真科以
土石作壇九所方面二尺九壇自方六尺以
法地之陰極二六之象每壇作四圖三曲如
獄之形一壇明燈三炬九壇共然二十七燈
又於九壇之中心立牌並面書玉清破地獄
真符背書獄名傍立青竹九竿各長九尺各
掛小幡一首書十方靈寶天尊聖號於幡首
書鄭都符後破獄之時持燈法師宣破獄儀
逐方用度法師執靈寶杖誅破獄呪衆和

十方救苦天尊即就燈化符於獄上法師以策杖破獄燒却青幡了復掛黃幡如此則地獄開光亡莫登真

九幽燈圖

洞玄靈寶元始天尊說三塗五苦拔度妙經曰濟度拔亡然燈為上五方八極地獄幽牢在極陰之鄉長夜之境死魂因閉不見三光冥闇之間經諸考掠宜造一燈樹然九危燈自初終亡至于七七燈光相續下照九幽觀此光明即當解脫今可中樹一竿然九燈次第相續為九九八十一燈以普照重昏開度苦爽

回耀輪燈圖

玄師曰盟真之科有回耀降光之格懺除五累苦門開生死之業道破黑暗之罪庭法用梓木作輪如車軸之象上一層燈一十二坑中一層燈一十六坑下一層燈二十一坑共四十九坑中央五累苦門及立牌書寫諸獄名自依回耀燈儀仍造四十九首小幡黃白之色相間上書諸天尊琅函齋號於幡首朱

書破野都符侍燈法師宣懺燈儀大法師持策杖隨懺儀至每獄立卓杖念大梵隱語以柳枝淨水洒之就燈焚化小幡插如此諸獄罪魂乘陽光應時解脫諸苦斷除五累煩惱遠離塵勞之業根

右按本科如此今世久廢不用宜做恭致虛路時中儀以沙為之外方內圓徑九尺凡三重如車輪樣第一外圍二十四輻第二中圍十五輻第三內圍九輻當中立回耀靈幡一首然燈一盞內圍九輻安燈九盞於燈後立三惡門三尸道三徒界標榜中圍十五輻然燈十五盞於燈後立五累五道五苦門標榜外圍二十四輻然燈二十四盞於燈後立二十四獄標榜又以黃白相間造小幡四十九首隨燈布之懺燈畢悉於燈上焚化幡榜

內圍幡榜九

色欲門 元靈隱耀天尊
上尸道 威德實際天尊
天徒界 普照幽明天尊

愛欲門 隨機赴感天尊
中尸道 虛皇普濟天尊
人徒界 大慈救苦天尊
貪欲門 慈悲救度天尊
下尸道 無邊普度天尊

中圍幡十五


人道 元洞玉晨天尊
色累苦心門 普光弘濟天尊
太山地獄苦道 弘慈廣濟天尊
神道 通光普照天尊
愛累苦神門 法輪開化天尊
風刀地獄苦道 靈源普潤天尊
鬼道 慈悲惠愛天尊
貪累苦形門 神光廣被天尊
隄山負石苦道 玄上五華天尊
地獄道 寶光通照天尊
華競苦精門 玉清玄上天尊
作江河苦道 慈悲萬善天尊
傍生門 金華慈慧天尊
身累苦魂門 玄明允行天尊

吞火食炭苦道 五具隱韻天尊
地徒界 法力超升天尊


外圍落榜二十四

監天地獄 廣常慈愛天尊
玄沙地獄 普垂妙澤天尊
無上地獄 開度無量天尊
太真地獄 光明寶華天尊
虛無地獄 隨劫救苦天尊
火庭地獄 尋聲救苦天尊
毒刃地獄 無邊普濟天尊
寒夜地獄 九幽拔苦天尊
律令地獄 妙化無邊天尊
風刀地獄 廣常覆護天尊
九幽地獄 金華廣耀天尊
刑正地獄 聖力無邊天尊
太平地獄 廣大慈悲天尊
清沼地獄 無極快樂天尊
玄陰地獄 輪轉萬變天尊
天玄地獄 廣度沉淪天尊
天一地獄 高皇玉晨天尊

三十六天獄 高靈最妙天尊
元正地獄 慈教廣度天尊
河伯地獄 普垂惠澤天尊
禁罰地獄 廣大無邊天尊
黃天地獄 大弘普濟天尊
累劫地獄 隨念往生天尊
女青地獄 開度宿障天尊
右五苦地獄名與世科不同說見度靈儀



无上黄籙大齋立成儀卷之三十九




无上黄籙大齋立成儀卷之四十 白十


三洞法師冲靖先生留月九傳授
太上執法仙士齋法典編集

符命門

救苦真符 一曰東華青
官九龍金籙




長生靈符 一曰南昌上官
紫微鍊其之籙




靈寶大法告長生符簡關金龍驛史告救苦符簡關英龍騎史第符形多舛訛又所傳悉無况訣故中表形修書不暇修入然世師承用既久恐不可廢今附見于後乃林慧靈所修正者

玄都茭龍騎史符



玄都金龍驛史符



好生韓君丈人
度人不死之神
南極長生之君
度世司馬大神

太上救赦生天寶籙

